

FAKANOFOGA O TE SIKIMU FAKATUPE AKOAKOGA A FUNAFUTI KAUPULE FUNAFUTI (14 FEPUALI, 2022)

1. Fakatomuaga :

I te taimi ne faite ei te Moeakiga o Malefatuga I (MOM I), ne atagia ei te mafaufauga ke mafai o fakaoko atu se fesoasoani a te Falekaupule ki fanau a Funafuti kae maise mo feitu tau Akoakoga.

Ko oti ne molimaugina te fanaifo o tulaga o fanau i loto i akoakoga, tela ko se maua ei galuega lei mo fesoasoani ki kaiga mo te fenua. Mai te kiloga tena ne ala ei o toki ki lalo i te MOM I ke fai se fesoasoani ki akoakoga a fanau a Funafuti. Ne seki taunu te fakamoemoega i loto i te ola o te MOM I kae ne toe fakaola te mafaufauga tena i loto i te MOM II mo te MOM III. Te kiloga ki mua ke mafai o fakatuu se tupe fakapitoa i loto i te Fakatauga Tupe a te Kaupule ke mafai o togi ki ei a akoakoga a fanau Funafuti.

2. Sikimu Fakatupe mo akoakoga:

Te Sikimu tenei ka kamata o fakatupe a togi o mataupu a tamaliki i vaega konei:

- Fakatokaga o te fakavae mo lasaga fakaoti (*Tertiary Foundation programs*)
- Akoakoga ki Setifiketi i galuega puke lima (*Trade certificates*)
- Akoakoga i te neti ki Pepa Maluga mai te *Cambridge International College* (CIC)

3. Fakanofoga:

- i. Ona la te Sikimu tenei ka aofia fua ei te togiiga o mataupu, a nisi tupe fakamaumau [e pela mo te olomalaga (*transport*), meakai mo meainu, meli-iti, togiga o meakoga (tusi mataupu, faoao, polopeni mo nisi aka) mo nisi fakamaumau aka] ka togi eiloa ne te tamaliki.
- ii. Avanoaga i lalo i te Sikimu tenei, ka tuku matala kae fakasalalau i tausaga takitasi, kae e manakogina ko tamaliki ke tusi mai olotou tusi fakatagi.
- iii. So se tino tela e manako o akoga, e manakogina ke tusi mai a tusi fakatagi a latou kae ke fakapiki fakatasi mai foki mo mea konei;
 - a) Fakanofoga o te Sikimu, Fakamaoniga o taumafaiga i te akoga mo galuega (*cv, school report, transcript, offer letter, invoices, etc...*).
- iv. Tino galue kola e manako o akoga e fakamalosigina ke fakaaoga olotou MEDU. Mo latou kola ne fatoa galue fakatasi mo latou e foliki olotou MEDU ke aumai se fakamaoniga o tau MEDU ke fuafua ne te Komiti.
- v. Ona la ko te fakatauga tupe mo te tausaga nei e foliki, tela la sose tamaliki e oko ana tapula ki te manakoga o te sikimu tenei, ka mafai a ia o filigina.
- vi. Tamaliki e akoga i Fetuvalu, e mafai o fakatagi mo se fesoasoani ki te togiga o pepa sukega ki tua atu o te atufenua.

4. Fakanofoga Fakapitoa

Konei a fakanofoga fakapitoa mo te Sikimu tenei:

- a. Te tino e fakatagi e 'tau se fanau a Funafuti, tela e kau ki faigamea a te Fenua kae se siliga ana tausaga i te 50.

- e. Te Fakatupega tenei e aofia ei a Polokalame mai luga atu i akoakoga e fakasolo atu i te sekiseni 2 kae fuafua ne te Komiti e fakatau ki te lava o te tupe.
- i. Latou kola e fakatupegina olotou Akoakoga ne te Malo (*SELF, Tuition Scheme*) io me ko nisi Fakapotopotooga e se mafai latou o fakatupegina i lalo i te Sikimu tenei, vagana ko polokalame kola e se fakatupe ne sikimu fesoasoani (mataupu i taimi malolo (*winter & summer courses*)).
- o. Te aofaki o te fesoasoani ka tuku atu i lalo i te Sikimu tenei ka fuafua e iloa ki te aofaki tupe ne talia i te Fakatauga Tupe a te Kaupule.
- u. Sose taimi e oti i ei te vaituaga (*semester*) io me ko te akoakoga a te tamaliki, e manakogina ke aumai katoa ana pepa (*transcripts/reports*) ki te Kaupule Funafuti.

5. Filifiliiga

A tusi fakatagi katoa ka avaka ki te Komiti o te ISP ke fai te lotou filifiliga ki fakanofoga kola ko oti ne iku i te Komiti.

A tusi fakatagi katoa e fakatuatusi ki te:

Failautusi
Kaupule o Funafuti
Luapou
Funafuti, TV

Te Komiti o te ISP ka iloilo kae fautua ne ia a fanau akoga ke taunu olotou taumafaiga. Ka fai foki ne latou te lipoti ki te Falekaupule ki taumafaiga o fanau mo te fakaaogaga o tupe.

6. Fakagaluegaaga

Te Sikimu e mafai o fakagalue ma oti ne talia ne te Falekaupule kae ko isi foki ne fakatuu i lalo o te Fakatauga Tupe a te Kaupule. A te Sikimu ka toe iloilo i taki lua tausaga.

7. Fakamateaga o taumafaiga

Ka fakamatea te taumafaiga a fanau ne fakatupegina i te Lauauga togi a te fenua i a Tesema 26 o tausaga takitasi.

8. Fakatutumauga o te Sikimu.

(a) Sose fanau ne fakatupegina mai lalo o te sikimu tenei e mafai o galue fakamasani (*attach*) i te Kaupule io me fai ne sokotakiga mo te Malo ki te taimi e maua ei sena galuega tumau. Ka maua sena alauenisi foliki i taimi e galue i te Kaupule (\$50 i te lua vaiaso).

(e) Ona ko te mafaufauga ke fakatumau te sikimu tenei, ko manakogina se tusaga foliki mai tamaliki kola ne fakatupegina mai lalo i te tupe fesoasoani tenei.

- Kafai ko galue, ko kamata i ei o togitogi te 25% o te aofaki tupe tela ne fakaaoga ne te tamaliki mo togi ki ei ana mataupu. E tau o togitogi te tupe tenei i loto i te lua tausaga.

- Ko fanau kola ne fakatupe ne te Sikimu kae ne seki manuia olotou taumafaiga, ka togitogi ne latou te 50% o te aofaki tupe tela ne 'togi ki ei ana mataupu ki te Kaupule. E mafai ne ia o toe fakatagi ki te Sikimu manafai ko oti ne togitogi a te tupe tena.

9. Sainaga mo Fakamaoniga o te Sikimu

Sose fanau tela e fakatupegina mai lalo o te sikimu tenei ka saina ne ia se feagaiga (*agreement*) me ko talia ne ia a fakanofonofoga katoa a te sikimu. Ka pena foki o fakamaonigina ki sainaga o se sui mai ona matua mo te matai o te lotou mataniu i te feitu o tena tamana mo tena matua.

E taua ke fakamaonigina ne te matai me i te tamaliki tena e kau maloski ki te fenua kae toka foki o fakaaoga tena vaega i tupe o manafa mo togitogi te 25% mo te 50% a te sikimu (sekiseni 8(e)).

Ka fakamaonigina a sainaga i te feagaiga ne te Pule Kaupule mo te Ulu Fenua.

FEAIGAIGA A TE SIKIMU FAKATUPE AKOAKOGA A FUNAFUTI E AOFIA EI SUI O TE KAIGA, MATANIU, mo te FENUA

Ko talia ne au a fakanofoga katoa a te Sikimu Fakatupe Akoakoga a Funafuti (SFAF). Ka tautali au ki ei me aoga ki te atiakega o toku kaiga, mataniu mo toku fenua. Te Atua ke fesoasoani mai.

Sainaga: _____ Po Masina: _____

Igoa Fanau Akoga: _____

Sainaga: _____ Po Masina: _____

Igoa Sui o Matua (Tamana/Matua): _____

Sainaga: _____ Po Masina: _____

Igoa Matai Feitu o te Matua: _____

Sainaga: _____ Po Masina: _____

Igoa Matai Feitu o te Tamana: _____

Fakamaonigina ne:

Sainaga: _____ Sainaga: _____

Igoa Pule Kaupule: 'MALU SEMI VINE Igoa Ulu Fenua: 'MALU SIOSE P TEO

Po Masina: _____ Po Masina: _____